



THE DAYBREAK

"Wankantanhan Anpao kin hiyouhipi."—Luke 1. 78.

Vol. XXVIII-No. 7

FOREST CITY, SO. DAK., JANUARY, 1914

Wokajuju 50 Cents

TAKUSNI.

Hekta October wi kin icunhan New York otonwe kin he el ataya Omniciye tanka (General Convention) mniciyapi.

South Dakota obašpe etanhan Rev. F. B. Barnett na Hon. J. H. Gates henios kalini na akapatanhan Rev. A. B. Clark tawicu kici, Rev. L. C. Walker, Rev. P. J. Deloria, Rev. H. L. Russel, Miss Mary Peabody, Miss Helen Peabody, Mrs. B.P. Lambert, na Miss Ella Deloria hipi. Winyan kin hena Winyan Omniciye ataya tanka kin on hipi.

Omniciye tanka kin el Bishop nonpa wowanyake tawapi kin enakiyapi wanna wanna wicalicapi kin heon, Bishop Gray, Southern Florida obašpe etanhan, na Bishop Wells, Spokane obašpe etanhan henios.

Bishop Mann, North Dakota obašpe kin etanhan Southern Florida el un kta e yutokaupi. Miniwanca ekta Cuba wita kin on Bishop Knight eciyapi kin is eya ekakiye, hecel itokab tapi kin na enakiyapi kin on Bishop zaptan wicalahinpi, tka hnni wicalapi šni.

North Dakota on wanji kapi kin, Rev. H. L. Burleson eciyapi kin he wicala šni, hecel wanji tokeca—Rev. J. P. Tyler he kalinigapi, na wanna iyowinčiye na tokata Jan. 6, 1914, Epiphany anpetu icunhan yuwakanpi kta yaotaninpi.

South Dakota etanhan tona omniciye tanka ekta hipi kin na Lakota ia onspepi kin iglukawapi, naiš nape blihela waeconpi kinhan Anpao wowapi kicagapi na oyate ekta wowicakiyakapi kinhan he wopila kta tka. Icin tiyata unqonpi kin wotanin wowapi taku oyakapi kin ecela slolunyanpi, na takuku eceli unyaotaninpi kte šni kin heon.

October wi kin icunhan Rev. Dr. Ashley anpetu wakan nom ecel asnikiya omani, na woiyowaja tawa wanji on Tunkanšilayapi otonwe kin ekta hi, na hel un icunhan

Senator Sterling, Commissioner of Indian Affairs Sells, na Secretary of the Interior Mr. Lane hena ob woglake, nahan Mr. Wilson, Tunkanšilayapi kin he nape yuze. Hetanhan takuni yaotanin kte šni, tka tokata Lakota oyate, na Ikce-wicaša on waawacinpi kin tokeša ocib sloluyapi kta iteka.

Taku wanji iyounwajapi šni seca tka on taku unkeyapi kta uncinpi na he lee. Wanna waniyetu tona Lakota oyate kin Paha sapa on woglakahanpi, nahan omaka iyohi ataya omniciye econhanpi, eša un-kablezapi kin eciyatanhan taku iyopteiciyapi šni. Eya oiciyapi kin he wašte tka, Lakota makoce ikayek wasicun unpi kin etanhan hnni wokamna ciniciyapi na ojiji unpi kin onspa on hececa, na he, na takuku on oyate kin witaya najinpi kta okihipi šni kin heon wanna tehan škanpi qeşa takuni kagapi šni. Paha sapa wiyopeyapi keyapi qon wowapi yutanwicalicapi kin he Wasicun wakan nonpa nahalicin Lakota oyate unpi. Tokaš unma naiš nopin owicalapi na ob woglakapi kta wašte seca, kinhan woikuše wanjikji yulheyab iyeyapi okihipi kta naceca.

Rev. Isaac H. Tuttle te.

Hekta Nov. 17, anpetu tokaheya kin Htayetu 0 ape cin he ehan Rēy. Isaac H. Tuttle te. Cagu ipogan on yazan. Pejibuta wicaša nom tanyan kuwapi, na wanna akisni kta hehan hihunni kta, na ataya akisni kta ape yankapi tka. Rev. Neville Joyner otakiya wan-yag hi, na anpetu wanjikji kici yanke. Tokel wotin kta, na takuku kicitanyan kta e iwankiciyake na ikicigni. Tka ignuhanla togye hingla na kohan sanpa kul ye na ihanke. He wicaša wašte kolayapi pica, na Christian wicaša heca. Taku wašte ota econ, na gnuinpi kin on woiyokišice kta. Tokin nagi kin wocekiye el okilpe nin. Tona Itancan el tapi kin hena wicayawašte ce. N. Joyner.

St. Mary's Church Gamble ekta otipi kin el ti akagapi, na minica-pi wan oqapi. Winyan omniciye el unpi kin lecala mazaska 159.75 kannapi. Winyan el unpi šni kinhan tokel unqonpi kta hwo!

N. J.

Tancan kin unhipi.

Santee Agency en June 13, 1913, he ehan John Kitto (Suntoto) tancan kin unhipi. Wicaša tankin-kinyan tanyan wocekiye opa ui unpi qa ecen makata wiconi kin ikihunnipi qa alibayena maka kin en kiwankapi kin de wanji ee. Omaka wikcema šakdogan sam šakpe wahecetuya maka akan ni un, qa Isanyati oyate kin otokaheya wotanin wašte wicahiyohipi šni kin hena icunhan ikcewicaša wico-han he oknayan ni un, qa oyate taku iwaštepi kta, qa tokatakiya tawakanhejapi tanyan ni unpi kta kecinpi woiciknaye kin hen owica-peya ni un, iyotan is iye tohan wanna omaka wikcema yanni qa topa kin hen iyoko okna Isanyati kin ikcewicaša wicohan kin ayu-wankan icupi. Okodakiciyopi šni tka iyepi hecen yaonihanyan caje-ikdatapi ecece kin oknayan okoda-kiciye obe ota icicagapi, qa yuhapi qa uaknu sam kahi ayapi qa ecen hankeya wasicun maka oknaka kin hena owasin wicakizapi qa wicaka-sotapi qa hetanhan akokiya ikce-wicaša wicohan hecen oknayan oiyokipiya ni unpi kta kecinpi woiciknaye qon he wicahiyohi qon hee, okodakiciye kta eyapi qa Ta-tanka wacipi, Wabankšica wacipi, qa Napešni wacipi, qa Sungpiyute wacipi, qa Šunkakan wacipi, qa Wanca wacipi, hena okodakiciye-pi keiciyapi, hehan wowakan kin he iyepi iyatavena koyakapi kei-ciyapi, qa Huntka wacipi, qa Hosakayuta wacipi, qa Hanwacipi, qa Heyoka wacipi, qa Wiwanyag wacipi, qa Wakan wacipi hena wowakan un econpi ee eyapi. Hehan zuyapi qa wicaša wicaktepi qa Wakteakdi qa paha kin yuha iyokipi ičiyapi kta eyapi qa Yumni wacipi, qa Iwakicipi kin hena yuhapi. Hehan wicoškate ota kinhan wašte kte eyapi qa Kayotan wacipi, qa Pejimiknaka wacipi hena yuhapi. Hecece ikcewicaša wicohan decekececa ota qon hen wicaša wan opeya ni un qa wašte-ya kahtaničiye kin iyohakam Taku Wakan Cinhintku kin he wotanin wan wašte qa tanka maka kin de en ahi qon he otanin unkan ikce-wicaša wicohan yuha icage qon he-tanhan ikduhomni qa Jesus Toiyo-yappa wakan kin hen iyofidateya eiciknake kte cin he otehike qa okihipica šni tawa kecin kta nace-ca, tka John Kitto hecen econ. "Wicaša ekta he okihipica šni, tka Wakantanka ekta hecece šni, Wa-kantanka ekta taku owasin okihipica" St. Mark 10:27. "Hecece

tuwa Christ en un kin he wanna wicaša teca, taku tannike cin hena enakiyapi, iho, taku owasin teca icaga." 2 Kor. 5:17.

Omaka wikcema tob sam iyeya Hunkayapi wicohan kin he yuha ni un, qa hekta omaka wikcema topa wahecetu heehan Hoiwoju oyate kin Wotanin wašte wicakai qa omaka wikcema nom wabece-tiya om un qa Wakantanka kin he wicaša kin takuwicaye kin wicota abdeswicaye qa eciyatanhan Wo-wacinye wan tanka Wakantanka wicaša wicaqu, qa Wakantanka etkiya token ohanyanpi kte qa wicaša etkiya token ohanyanpi kte cin hena yucankuyetonyan wanko cigon hena sdonkiyewicaye qa ecen eš Inyan kin "Tunkan" eya cannonhupa iyahewicakiyapi ecece kin hena kahukud iyeye wicaye qa qa winyan wicota "Atennyanpi mahpiya ekta nanke cin Nicafe wakandapi nunwe" eyewicaye qa ešes nakun "Nitokiconze u nunwe" eyewicakiye, qa nakun isam "Ma-hpiya ekta nitawacin econpi kin ke iyecen maka akan econpi nunwe" hehanyan awicai kin otapi. Dena decetu qa nakun isam wicatanhan kin he woynte on škanškan un kin he iyecen is eya wicatanhan qa wicotawacin, qa wicanagi kin hena taku on iwakišake qa ni un kte cin ikipiya faku wakan Cinhintku kin wicaša wicakiciyustan qa wowaki-conze wakan nom kage cigon, Mi-niawicakaštanpi, qa Wotapi wakan, kin henaosnana on wicani kte ci-qon he en wicota ahiwicakde, hecen on nahali anpetu kin dehanyan wicaša qa winyan ota John Kitto kiksuyapi kin hee.

Wowayazan on tancan kin zani-yan un šni qa ista kin on wowapi yawa kte cin hena wanna aecetu šni aye qonhan hekta omaka wikcema nonpa wahecetu heehan Isanyatita kdi qa hehantanhan tipi wakan wan iyatayena awanyake šni tka tukten un kesa Taku wakan wicada qa wacinye cin he tanka, qa tipi wakan etu qa wocekiye eciya-tanhan omniciye obe kin hena owasin en wowahokonkiye kin yuwiyeya oyate wicakiciyaha najin, qa tukten yanke cin he tiwahe wo-cekiye kin he nina tanyan ahope, Hahanna Htayetu hena owasin wanjina yašnašniyan econ, tohan wicotapi eca nakun wowahokonki-ye koya ecen, qa tuwena un šni qa nakun tawicu kin he kicišnana qe-yaš-takomni wicohan wašte kin he tohinina iyenaye šni. Hehan na-kun iknubanna tokel wocekiye awacinpi hee šni heca ecece en unpi

(Continued on last page)

THE DAYBREAK.

REV. E. ASHLEY, LL. D., Editor

REV. W. HOLMES, Assoc. Editor

THE DAYBREAK is published monthly in the interest of the Protestant Episcopal Church among the Sioux Indians of South Dakota.

The subscription price is 50 cents per annum and may be paid in Money Order or two cent postage stamps.

Single subscriptions for six months, 25 cents.

All subscriptions and matter for publication should be addressed to

REV. E. ASHLEY, LL. D.
Cheyenne Agency, S. D.

Letter of Commendation.

The tendency of THE DAYBREAK is to provoke to good works and to bind us together. It will be a special help to the scattered members of the Church. Besides other Church news, it will contain official notices and accounts of official acts and visitations of the Bishop. It is hoped that our people will take it and circulate it.

PRINTED at the office of the "Forest City Press."

ENTERED at the Postoffice at Forest City, So. Dak., as second class matter.

Wotanin-wašte Ayapi On Wocekiye.

Anpetu iyohi wicokaya he cin ehan heyapi kta:

Wanikiya wašte isto wacantkiye nita-wa glugal, canicipawega akan otkeyahan yann tka qon. maka akan wicaša unpi kin owasin Niye ekta etonwanpi qa uwi-cayapi nunwe. AMEN.

WAKANTANKA Iyotan wašake cin, Woksapi ed Itancan kin, Woksapi Nitawa kin ed Itanipi kin nakur sanpa yewica-yaši kta e onšiciya iceunniciyapi: hecel Waawanglake wicaša na wacinyepica heca iyenakecapi kin on Okolakiciye-wakan nitawa kin iyuškin kta, na Nitokiconze wašte oicago tawa kin yntankapi kta; Jesus Christ Itancanunyanpi kin eciyatanhan. AMEN.

O WAKANTANKA, tuwe wicawe wanjila on, wicaša oyate hiye cin oyasin maka kin owancaya etipi kta e wicayakage cin, na tona itehanyan naš kiyela unpi kin, wookiye owicakiyak kin e Niemca wašte uyaši qon; wicaša oyasin onilepi na iyeniyampi nunwe. Oyate kin optaye nitawa kin opewicaya ye, na Ikcewicasa kin wokiconze nitawa ekta awicagli ye. Tona wicayeco kin ecota wicanececi, na nitokiconze kin kohanna nyakiyin kta iceunniciyapi; Jesus Christ Itancanunyanpi kin hee eciyatanhan. AMEN.

O ITANCAN, tona unipi kin hena awicayakite ca niwicayayin kta e yahi kin, na mahpiya ekta na maka akan wowašake-ataya nicupi kin, tona econwicayaši kin eciyatanhan, wicaša otioyohi Wotanin Wašte kin owicakiyakapi kta e iyayapi kin, on Okolakiciye wakan Nitawa kin wocekiye eye cin nayahon kta e iceunniciyapi. Taku wokokipe elipi kin owasin etanhan ewicayaku ye; maka puze cin wokokipe kin etanhan, mini wokokipe kin etanhan; makošica on wicate cin etanhan; šicaya wicakuwa toohitika kin etanhan; wocetungla na inahupi etanhan; wowacinibošake na owolutaton kin etanhan; na oiyokpaza itancan iceonza-pi kin owasin etanhan ewicayaku ye. Na wojupi na minakastaŋpi kin iceunhan waicahye cin, Niye, O ITANCAN, uwicaki-ciya ye, Ikcewicasa wicota hein omnawicaya ye, Christian tamakocepi kin ekta tona wowanikiye hinko tanka aktapi šni kin hena wicayuhomni ye, hecel, O Maka Wanikiya waonšila kin, Nicaje yatampi kta na Nitokiconze u kta; Niye, Ateyapi kin na Woniya Wakan kin ob woyuonhan na wowitan luha, nunwe, maka owihanke waninl. AMEN.

Wotapi šni Itokam Wocekiye wan.

O ITANCAN, wopila unnicupi. Woteklapi kin wolwicaya ye, na wicaša oyasin, maka sitomniyan, Wiconi Aguyapi ni un kin Mahpiya eciyatanhan hi kin he olepi na iyeypapi kta e iceunniciyapi. AMEN.

Grace Before Meals.

THANKS be to Thee, O Lord. Feed the hungry, and grant that all men, everywhere, may seek and find the Living Bread which cometh down from Heaven. AMEN.

NIORRARA DEANERY CONVOCATION TAWOECON KIN.

St. Mary's Church,
Sisseton Agency, So. Dakota,
July 11, 1913.

Anpetu wan Bishop kašniige kin oknayan Niobrara Deanery Convocation kin he Sisseton Agency, So. Dakota ekta St. Mary's Tipi wakan kin okna omaka wanji on omniciye econpi.

Anpetu wan en otokaheya Owacekiye wakan on omniciye kin yuganpi kte cin iyehan maga-ju kin on nonpakiya owacekiye wakan econpi. Bishop kin, qa wicaša wakan kin onge om wica kin om tipi wakan kin okna wocekiye wakan wocon kin econpi, qa Rev. Dr. Ashley, Rural Dean un kin he, wicaša wakan onge kin om winyanpi kin om Winyan tawakeyapi kin okna wocekiye wakan econpi, qa napinya en opawinge nom sam iyeya Wotapi wakan kin icupi, qa napinya en Wošnapi wakan kin he Dakota Wicaša wakan, qa Convocation tawomnaye kin on econpi.

Wicokaya sanpa nom sam hanke ape qonhan Convocation tawoecon kin Bishop yugan. Tokaheya hekta omaka qonhan Wowapi kage cin he Kašniš opapi kta cajepi kin yawa, unkan wicaša wakanpi kin Bishop kin koya wikcemna nom sam yamnipi, qa Catechists unpi kin akezaptanpi, qa Wawokiya unpi kin akenapeiwang, qa Kašniš hihi kin wikcemna šakdogan sam šakpe henakeca cajewicayatapi kin akduptapi.

Hehan okiheya kašniš opapi kte cin tuwa cajeyatapi kta yukan tka ekiktonjapi yugin kta sece kin on Bishop kin Committee yamni wicakage qa wicacaje kin hena abdeswicaši, qa hena Rev. Dallas Shaw, qa Rev. Eugene Standing Bull, qa Rev. George G. Lawrence hena yamnipi.

Hehan okiheya Oitancan wicakalniigapi kte cin he iyehantu qonhan Rev. William Holmes Wowapi kaga kagapi, qa Philip J. Deloria Convocation kin en itancan yankin kta kagapi, qa Rev. A. B. Clark, he tamazaska kin awanyaku kta kagapi, qa Rev. H. Burt he Dakota Wicaša wakan tamazaska kin awanyakin kta kagapi.

Hehan okibeya Rev. William Holmes, he wacajeyate ca Wicaša wakanpi tona tokantanhan Convocation kin de en hihi hecinhan hena Convocation kin de en yuonihanyan unkicipi oonyanpi kta woiyowinkiye wicunqupi kta, tka woštanpi kte cin he eqeš wicunqupi kta iyecetu šni eye, qa he okiyapi qa iyecen yušanpi, hecen Rev. Paul Roberts, Brookings, S. D., etanhan kin hee, qa Rev. Sherman Coolidge Faribault, Minnesota etanhan kin hee, qa Rev. Thomas J. Rouillard, Eg-

gleston, Minn. etanhan kin hee, qa Rev. George Smith, Ponsford Minn etanhan kin hena zaptan unkiyopeyapi yankapi kta woiyowinkiye wicunqupi.

Hehan okiheya Convocation tamazaska awanyake cin he hekta omaka kin on okdake qa tawowapi kin iwanyakapi kta e on Bishop kin Committee yamni wicakage ca hena Mr. Homer Clark, qa Mr. Thomas Hunter, qa Mr. James Crow Feather hena yamnipi.

Hehan unkaipi kin hehan Bishop kin Winyan omniciyepi kin ektakiya iyaye ca Rev. Philip Deloria Convocation kin en Itancan iyotanke.

Hehan Dakota wicaša wakan tamazaska awanyake cin hekta omaka kin on okdake qa tawowapi kin iwanyakapi kta e Itancan kin Committee yamni wicakage qa hena Mr. Joseph Ellis, qa Mr. Joseph Dubray, qa Mr. John Decory hena yamnipi. Hehan Rev. Doctor Ashley Anpao kin kage cin he qa Anpao kin opetonpi kin on mazaska tona icu qa tona yušte cin hena okdake ca dehan tona yuha najin kin he Mazaska opawinge sam akeyamni sam kašpapi yamni sam mazaša yamni \$113.33 henakeca keya okdake.

Hehan Itancan kin he Convocation tamazaska awanyake cin he iwanyakapi kta Committee yamni wicakage cigon hena Rev. Dr. Ashley tawowapi kin he koya iwanyagwicasi.

Hehan okiheya, Mr. Dominick Long Bull, Standing Rock etanhan kin he wacajeyate ca Detanhan tokata tuwa Dakota wacipi ope qa nakun taku on itomnipi ecee kin heca yatkan ecee kin heca wanjina Convocation ekta kašniš yešipi (Delegate) heca kte šni eya, qa taku kin de wicokaye sanpa kin ataya ihunniyan wicota iwokdakapi tka on woyušan kagapi šni ecen itawacekiyapi kte cin iye-hantu qonhan enakiyapi qa litawacekiyapi kin econpi.

Saturday, July 12.

Convocation kin Walipewokeya kin en yuwitaya wocekiye econpi, qa Rev. Luke C. Walker qa Rev. George G. Lawrence henaos Hannah wocekiye kin econpi, qa owacekiye kin de en Bishop kin he omaka wanji on wicohan tawa kin he onge tona Dakotata Okodakiciye wakan kin en iyowajapi kin hena kdawa, qa Rev. William Holmes ieska. Bishop kin Okiciyuze wakan kin etanhan ikdujupupi kin hee, qa Dakota wacipi kin piya yuginipi kin henaos toketu kin qa tokata henaos on token woawacin yankin kte cin hena on tohanyan wowašake tawa kin ataya on oyate abdeswicaye. Hehan okiheya Convocation on Wowahokonkiye kin he Rev. Philip J. Deloria econ, qa Wowapi wakan oekde wan Joshua 3:4 "De itokab niyepi kin can-

ku kin de okna idadapi šni" heon wahokonwicakiye, qa hetanhan woawacin waštešte ota hinape.

Hehan owacekiye enakiyapi kin de iyohakab ake Convocation tawoecon kin econpi, qa Rev. Philip J. Deloria Itancanyanke, qa Wowapi kage cin wicacaje yawa qa hekta wocon kin yawa.

Hehan okiheya Convocation kin de en woiwange wan pazopi qa he "Wica Tawomnaye" eyapi kin hee. Womnaye kin de tukteehan he kagapi hecinhan qa taku e on kagepi hecinhan hena on woiwange kagapi, qa Itancan kin he Wowapi kage cin hena oyagsi, qa decen oyake. Omaka 1890 heehan Standing Rock Reserve ekta Convocation econpi qonhan hecen woyušan kin opeya de on woyušan kagapi qa he decetu. Rev. Charles S. Cook, he wacajeyate ca "Wicapi kin hena detanhan tokata Winyan Omniciyepi kin omaka iyohi mazaska ahipi qa Bishop itokab ahikadapi ecee kin he unkiš iyecen econqonpi kte" eye ca he okiyapi qa iyecen woyušan, akes iyohakab omaka 1910 heehan Yankton Reserve ekta Convocation econqonpi kin en opeya woyušan kin he Rev. L. C. Walker he wacajeyate ca he "Detanhan tokata wicatawomnaye kin onge Catechists qa Wawokiya tawokajupupi kin hen iyaye kte" eye qa he okiyapi qa woyušan kagapi. Hehan okiheya wicokaya wocekiye kin he eyapi qa enakiyapi.

Wicokaya sanpa nom sam hanke ape qonhan ake Convocation kin eyotanke ca Rev. Philip J. Deloria itancan yanke, qa wicacaje kin hena dehan yawapi kte šni eyapi qa okiciyapi qa he woyušan.

Hehan okiheya tuwa Dakota wacipi qa nakun wayatkan ecee kin he Convocation ekta kašniš yešipi kte šni itanihan eya iwokdakapi tka qon he ake dehan iwokdakapi kta eyapi qa he okiciyapi qa iyecen woyušan, qa he taku kin ake wicota iwokdakapi qa chan-keta on decen woyušan kagapi. "Detanhan tokata tuwa wan wacipi ope qaiš wayatkan ecee kin heca wan Convocation ekta kašniš yešipi (Delegate) kta e wacekiye omniciyepi kin kašniš yušanpi ešaš Wošna kaga tawapi kin he iye token wašte kta iwanyake kinhan he hecetu kta" hecen woyušan kagapi.

Hehan okiheya Catechists qa Wawokiya tawokajupupi kin he tonakeca kta iyececa tka qon he wicota iwokdakapi, qa obanketa Itancan kin he Committee yamni wicakage ca taku kin de on Bishop kici iwokdakapi kta eyapi, qa he woyušan, hecen Mr. Homer Clark, qa Mr. Joseph Ellis, qa Mr. Stephen King hena yamni Itancan Committee wicakage.

Hehan okiheya Rev. Doctor Ashley ake heceknana Anpao kin

he kaga yanke kta eyapi qa okici yapi qa he woyuſtan.

Hehan okihey a woiſiconze kta wan pazopi qa he Rev. Neville Joyner yawa qa he hecetu kta e najinhan inajin yuſtanpi, qa he decetu. Wakankiciyuzapi yujujupi eyapi kin he Dakota Sioux oyate kin ekna kicikiyena econ ayapi, qa sam nina icaſi aya, qa hena onge taku hea e on he wakankiciyuzapi kin yujujupi kta iyececa kecini qa econpi ecee kin hena nina ota ikipi ſni tka heconhanpi ecee, hena ota Wakia wicaſapi kin hena iye iyatahena mazaska kamnapi kte cin heceena on he econpi ecee. Heon etanhan Wakankiciyuzapi yujujupi eyapi kin he Christian wowaonspekiye tawa kin heceena kaſeya yanke kin hee ſni, tka nakun Okodakiciye wakan kin hee, qa Tunkaſinayanpi eciyatanhan woawanyake kin napinya Dakota oyate kin Christian tiwahe waſte oknayan ewicaknakapi, qa Christian tawaiciyapi wowicake wankantuya kin he oknayan icaſiſiya wicayapi kta e tohanyan okihihi kin he oknayan kuwa yuke ciſon hena nakun yujuju eliſeya yanka ecee. Heon etanhan Convocation kin de en Wicaſa wakan, qa ihukuya Kaſiſi tona ounpapi kin, hena witaya mnicia unyankapi kin de icunhan Tunkaſinayanpi Okihe Itancan kin he Dakota Sioux oyate kin ekna woſice tanka kin de sam okokipeya icaſi aye kin de tohanyan okihi kin hehanyan oahecenya yuhukutu kta e he awicakehan yuonihanyan unkidapi.

Committee, A. B. Clark.
John Flockhart.
Neville Joyner.

Hehan okihey a Rev. Doctor Ashley he wacajeyate qa Itancan he Committee yamni wicakage ca hena wowaci kin heon woiwanyake wanjiſi iwan yakapi kta eye qa he Rev. William Holmes okiye qa he hecetu kta e yuſtanpi, hecen Itancan kin he Mr. Homer Clark, Mr. Charles Tackett, qa Mr. Joseph Ellis hena yamni Committee wicakage.

Hehan okihey a wanna litawaceyapi kte cin iyebantu eyapi qa enakiyapi.

Sunday, July 13.

Convocation yuwitaya Walipewokeya kin en Owacekiye wakan econpi, qa he en Rev. Joseph Goodteacher qa Rev. Dallas Shaw henaos Bishop Souih Dakota. okna unk kin he Woſnakaga (Priest) wicakage. Rev. John Flockhart Mr. Goodteacher Bishop en kai, qa Rev. A. B. Clark he Mr. Shaw Bishop en kai, qa Woſna kaga tona en unpi kin Bishop kici Pa kin napeawicaputakapi. Wicaſa wakan wicakagapi wowahokonkiya kin he Bishop iyelica econ qa Wwapi wakan oekde wan Acts

Oſhanyanpi) 20:28 heon oyate wawokonwicakiye, ca Rev. Philip J. Deloria ieska. Ake wowahokonkiye wan ihankeya waſte e nanhonpi, Wowapi wakan oekde kin he yawa qa hehan taku itoktokeca ektakta cajeyata yanke ſni, tka oekde kin heceena en taku cajeyate can henana eceſi oyake qa iyotan oekde kin he en Wakan tanka Taokodakiciye kin, eye cin heon decen eye. Tuktetukeſa wicaſa qeya witaya iyotankapi qa ito Okodakiciye wanji unakagapi kta e eyapi, qa he iyohakab he Okodakiciye wakan e eyapi ecee, tka heca kin he nakun tonakalica kagapi qeyaſ hena he Okodakiciye wakan eyepica ſni e, eya, tka iſ he oekde kin de en Wakantanka Taokodakiciye eye cin he Okodakiciye wakan wan Jesus Christ Iye we kin on opekiron, qa awankdagun qon, qa dehan he okna unyankapi qa oknayan Iye woecon wakan tawa econuſipi qa econqonpi kin de he Wakantanka Taokodakiciye kin e e, eye. Hehan Bishop Wotapi wakan kin yuwakan, qa Rev. Dr. Ashley, qa Rev. Luke C. Walker, qa Rev. H. Burt, qa Rev. A. B. Clark hena okiyapi, qa en woſnapi wakan kin he Dakota Wicaſa wakan tawomnaye kin, qa Convocation tawomnaye kin henaos on wamnayanpi.

Wicokaya sanpa nom sanpa hanke ape qonhan ake yuwitaya Walipewokeya kin en ikduwitayapi qa he wicaſa wakan yamni wkdakapi qais wowahokonkiye econpi. "Wowaciye kin" he Rev. A. B. Clark iwokdake. Hehan "Woecon kin" he Rev. H. Burt iwokdake. Hehan "Woeckiyee oeye kin" he Rev. Dr. Ashley he iwokdake, qa hena etanhan wawacin wowicake waſteſte naunhonpi.

Owacekiye kin de ikduſtanpi kin iyokihey a wakanhejapi kin hena Bishop ob Tipi wakan kin okna wocekiye econpi qa Bishop kin wovicakiyake qa nakun toktokeca wanjikji wokdakapi, qa he icunhan nakun walipewokeya kin en Waſicun iapi kin oknayan owacekiye econpi, Rev. John Flockhart qa Rev. Neville Joyner henaos owacekiye kin de econpi, qa Convocation econqonpi kin icunhan waſicun tona wawanyag hipi kin tanyan wahokonwicakiyapi, qa nakun odowan wan tuwepi keceyaſ owasin iyowajapi kin "Wakantanka Nikiyena" eyapi kin he ob kdoihiyapi.

Ake yuwitaya walipewokeya kin en owacekiye econpi, qa Wahoſiye Wakan tawoeconpi wan Nape awicaputakapi eyapi kin he oknayan Siſseton oyate kin etanhan onge papi kin akan Bishop nape kin on awicaputake, qa he Wicayusutapi unkeyapi hee, qa tokin hena sutapi nin unkecinpi.

Iyohakab Bishop kin Wawokiya

qa Catechists woiyowinkiyee wowapi (License) tona wicakiyuteca qaiſ teca wicagu kin hena wicaken, qa nakun Wawokiya unpi kin he etanhan ſakowin Catechist wicakage.

Monday, July 14.

Convocation yuwitaya Habauna Wocekiye walipewokeya kin en econpi, Rev. B. P. Lambert, qa Rev. Herbert Welsh, henaos wocekiye kin econpi, qa he en Bishop wahokonwicakiye, ca Winyan Omniciye kin mazaska tona ahipi kin oyake qa denakeca, Mazaska koktopawinge yamni sam opawinge zaptan sam wikcemna ſakowin sam zaptan sam mazaſa akeyamni (3575.13) henaſe yaotanin, qa hena Wakna woſnapi kin akan woſnapi. Hecen Okodakiciye wakan kin Dakota oyate ekna yanke kin bektatanhan woyakapi tawa kin en ihankeya wankantuya Wakantanka wakna woſnapi wakan tawa kin akan winyanpi kin Woſnapi tanka Wakantanka Wakiyuſnapi kin he dee.

Hehan okihey a Convocation owicohan kin on eyotanke ca Rev. P. J. Deloria itancan yanke, ca wicaje kin yawapi kte ſni, qa nakun hekta woecon kin yawapi kte ſni eyapi, qa iyecen yuſtanpi.

Hehan Mr. Joseph Ellis Committee Itancan kin he wokdake qa wanna Dakota Wicaſa wakan tawomnaye Mazaska awanyake tawowapi kin he iwanunyakapi, qa owasin hecetu, qa owotanna iyeunyanpi e e, eye. Hehan Mr. Homer Clark Committee itancan kin he wokdake ca Convocation tawomnaye Mazaska awanyake cin tawowapi kin he wanna iwanunyakapi qa owasin hecetu qa owotanna iyeunyanpi, e e, eye, qa nakun Rev. Dr. Ashley Anpao kin kage ciſon tawowapi iwanunyakapi qa mazasa wanjina aokpanyan okiwa iyeunyanpi e e, eye, qa Wowapi kage cin he ecen yuwotan owa qa ecen owotanna iyaye.

Hehan okihey a Mr. Homer Clark, Committee itancan kin he iwokdake ca Wawokiya qa Catechists unpi kin tawokajujupi wankantuya kta iyececa e on Bishop kici iwounkdakapi kta e Committee yamni unyakagapi kin he wanna Bishop kici iwounkdakapi qa decetu kta e woyuſtan unakagapi, Wawokiya qa Catechists tawokajujupi wankantuya kte cin he Bishop iye iyatayena iyowaja, qa Wawokiya qa Catechist wan oyanke wan tukte en wowaſi econ kin he en Woſnakaga Waawanyake cin he Bishop he kici iwankiciyakapi qa wiſi kin sam yuwakan iyekiciyepica hecinhan econpi kta, hecen woyuſtan kagapi keye kdaotanin. Dehanyan unkaipi kin he icunhan Bishop en hi qa woyuſtan nakaba Mr. Homer Clark oyake cin de iſ eya sam akta oyake, qa Dakota Wicaſa wakan tawomnaye kin he tokatakiya sam nina econwicaſi, nakaba Deacon unpi kin nom Woſnakaga wicakage, qa nakun tokata omaka kin de opta zaptan qaiſ ſakpe Deacon wicaka-

ge kta keya qa henaked womnaye kin de etanhan wiſi icupi kte cin on dehantu kin womnaye kin de sanpa tanka kta iyececa hecen oyate kin wowakta wicagu.

Hehan okihey a woiſiconze kta wan pazopi, qa he Mr. Homer Clark yawa qa he hecetu kta e najinhan najin yuſtanpi, qa he decetu. South Dakota imahen Niobrara Peanery en Convocation okuayan unyankapi kin de icunhan yaſiſya decen unkeyapi. Dakota tamakapi kin icokata oyanke owasin en Wakanheja wayawapi kin hena heepi, qa nakun wakanheja itoktokecapi kin hena Wowaci kin he econwicakiyapi, qa ecewa kta iſiya wicayapi kta e he oknayan wicota wawiyopaſtaka yukanpi ecee kin he unkiyepi kin awicakehan sutaya hecetu ſni e yaſiſya unkeyapi. Heon etanhan Tunkaſinayanpi eciyatanhan tona woawanyake oknayan unpi kin taku kin de awicakehan yuwicakeya etonwanpi kta e he iyowicunpaſtakapi. Unkiyepi kin, qa tona ob icikiyena unqonpi kin hena wanna unkabdezapi unkan Wowaci kin he en takuna waſte yanke ſni, tka eſe hetanhan taku ſica ota icaſa yanke ecee hecen unkabdezapi.

Committee, Homer Clark,
Charles Tackett
Joseph Ellis.

Hehan okihey a Wica tawomnaye kin he wanna ahikiknakapi kte cin iyebantu qonhan Itancan kin Committee yamni wicakaga qa hena Mr. Louis Loudner, qa Mr. James Crow Feather, qa Mr. Patrick Noisy Hawk hena yamni, qa ataya mazaska kin opawinge yamni sam wikcemna ſakowin sam mazaska ſakowin sam kaſpapi okiſe (\$377.05) henaſe eunknakapi. Hecen winyanpi kin he mazaska tona ahipi kin he ob unkiſdawapi kinhan wica kin tona unkaſi kin hecnakdeca ecee napeiwankiya eki-
knakapi eſa nakun inihanſi mazaska opawinge wanji sam wikcemna ſagdogan sam wanji, sam kaſpapi ſakpe mazaſa ſagdogan (\$181.68) henaſe ikiciyayapi kta hehanhanyan owicunkihanpi. Hecen nahalecin winyanpi kin tehanyan owicunkihanpi kin he tanin.

Hehan okihey a Rev. A. B. Clark he wacajeyate ca Siſseton oyanke kin de en Convocation econqonpi kin icunhan Wicaſa wakan en unpi, qa Wawokiya qa Catechists en unpi, qa Wawokiya omnicieye opapi kin, qa oyatepi kin, woyute qa tukten tanyan unkiſtinmapi kte cin hena on tanyan unkuwapi kin hena piundapi on wopida ewicun-
kiyapi kta eya, qa he ataya najinhan inajin yuſtanpi.

Hehan okihey a itancan kin he Rev. John Flockhart qa Mr. Joseph Ellis henaos Committee wicakage ca he Wica tawomnaye kin hena icupi qa taku tonakiya on eknakapi kin hena ecekcen iyayewicakiciyapi kta e econwicaſi.

Hehan okihey a tokata omaka kinhan tukte oyanke en Convocation econpi kte cin he iwokdakapi qa ohanketa Cheyenne Reserve, Holiwoju oyate tamakapi kin icokata econpi kta yuſtanpi.

Hehan chakena Bishop kin woiyaksape wowakta hena on oyate wahokonwicakiye ca iyohakab Wahoſiye wakan tawoyawaſtepi kin on oyate wicayawaſte qa Convocation enakiyapi.

William Holmes,
Convocation Secretary.

[Concluded from first page]

eša takomni tiwahe wocekiye kin he katinyan econ ecee. He wico-
han waste kin eciyatanhan Ha-
lianna na Htayetu otoiyohi Wa-
kantanka yuonihan qa he hecetu.
Wakantanka wicaša kin hecen wo-
wahoye wicaqu "Tuwa mayuoni-
han kinhan miš eya bduonihan kta
ce," hecen wowahoye wicaqu.
Wakantanka Toawankdake qa To-
yawaste kin hena tiwahe otoiyohi
taku wan cinpi kin he hee, heon
tiwahe kin yuwitaye iyotankapi qa
Wakantanka hena kidapi kte cin
he hecetu, qa he eciyatanhan anpe-
tu iyohi tiyoknaka en tona unpi
kin owasin yuwitaya wowaſtedake
kin sutaya akiciyuhe iſiyeſepica kin
he hee, qa iyotan tiyoknaka wan
en wakanheja etanhan itimahan
unpi hecinhan hena tokata Taku
wakan waecakicon ni unpi kte cin
he tiwahe en wocekiye yuhapi kin
he otokaheya oiyaye tawapi kin
he hee.

Tancan kin te ſni itokam anpetu
tona owinja okna wanke cin icun-
han tona takuwicaye cin qa koda-
wicaye cin he tona Taku wakan
wacinyanpi hena ohniyan wanyaka
iyokipipi qa hena icunhan wowa-
hokonkiye tawa kin ota naſionpi.
Ehake anpetu wanjina ikicihe cin
he icunhan wicota en yankapi kin
ake wawohokonwicakiya yanke na-
hon itimahan ibdabde qa ibdotanke
cin icunhan decen owicakiyake.
"wanna tancan wamaſake ſni, qa
wanna ecana ibdabde kte, tka dena
anpetu wan en decetu kte cin hena
on wanna omaka ota ikduwiyeya
wan kecanmi nakaſ heon wiyeya
munka ce eye, hecen on tokata ta-
ku toketu kte cin hena sdonunyan-
pi ſni heon Taku wakan woiwakta
niſupi kin hena on wakta un po"
heceken wahokonwicakiya e na-
waſion, unkan he hecetu. Ecin
Wahoſiye wakan St. James hecen
unkokiyakapi. "Halianna kinhan
taku u kte cin sdonunyanpi ſni" ce
eya. Eya egeſ taku wanjigji sdo-
nunyanpi, halianna kinhan anpetu
wi kin he u kta sdonunyanpi, tka
owekinaſ unkiſtapi kin wanyake
kte ſni naceca, qa halianna kinhan
wahupakoza kin hena hotonpi kte,
tka owekinaſ noge kin on hena na-
wicunhonpi kte ſni naceca, hali-
anna kinhan magaju kte cin he sdo-
nunyanpi tka owekinaſ wicakapi
unkitawapi kin ahinhe kta naceca,
halianna kinhan wakpa kin hena
miniwancatakiya kadazapi kte cin
sdonunyanpi tka owekinaſ icinon-
pa counpapi kte ſni naceca, hehan-
hanya tokata taku toketu kte cin
sdonunyanpi. Hehan nakun ha-
lianna kinhan Wakantanka itaki-
nipi kta wan u kta e sdonunyanpi,
unkiyepi kin on, qaiſ tokanpi kin
on unmatukte keſa he hecetu kte,
heon anpetu kin de en niſkanſkan
nauujinpi kin icunhan Wakantan-
ka itaunkinipi kta iyececa. Wa-
kantanka dehan itaunkinipi kin
henaken tokata kin ekta wowaſte
wan aikoyag hiyeye. Woju
wicaša kin he maga wan yubdu qa
en taku su kin oju, unkan oweki-
naſ iye woyukſe kte ſni naceca tka
tuwa wan yukſe kta e yanke. Tu-
wa can wan oju kinhan owekinaſ
iyelica waſkuyeca aicage cin he
yuſpi kte ſni naceca, tka tuwa wan
hena yuſpi kte. Hehan nakun ha-
lianna kinhan wiconſe wan u kta e
he sdonunyanpi, qa he tohan iye-
unkicihantupi kinhan unkicantepi
kin en woawacin deceken unhiya-
kdepi kte, "Htawani kta e Wa-

kantanka maqu qon he wicoſhan
kin wanſa tanyan wakduſtan he.
Unkan tona Wakantanka wicadapi
qa sutaya wacinyanpi kin hena he
wiconi hececa kin he yuhapi kin
hee, Wakantanka itakini yuke qa
ecen ihunnikiyapi eca hehan wo-
ſnikiye kin he hee qa he wiconſe
unkeyapi kin hee. Wowapi wa-
kan kin he woiſtinma eya cajeya-
te. Jesus Christ toni kin ayabde-
zapi kinhan iye iyatayena taku
iyokipi iſiye kta akite cin hee ſni,
tka Iye Atkuku tawacin kin ecena
okicipe kta he tawacin kin ee: "Ni-
tawacin kin ecen ecamon kte, qa
Ate wicoſhan tawa kin he yuha
itawani kta e heon wicoſhan tawa
kin yuha umaſi ce hecen eya.

Canku wiconi waſte kin de iſiye
John Kitto tanyan iyekiye qa ma-
ka akan oni tawa kin inhunniyan
wocacinye tawa kin he ihanke kin
aiyakdeya oknayan iyaye kin heon
tancan kin he iyokiſinya unkiapi
tka ege nagi kin he unkiapi ſni, tka
anpetu ehakeya kin en Jesus Christ
wiconi makoce yuha hi qa owanca-
ya wicakini kte cin he ekta em-
tonwapi kin on wowaſte, wowa-
cinye, wokicanpte tanka unyuhapi.

William Holmes.

XVII.—OAHYAYE KIN.

Oahiyaye eyapi kin he "Odo-
wan" hecen he kapi. Halianna
wocekiye wocon qa Htayetu wo-
cekiye wocon qa nakun wocekiye
wocon toktokeca kin en Odowan
wakan qeya iyeunyanpi qon hena
he hecen cajekiyapi. Nakun tu-
ktekten "iahanodowan" qaiſ "Odo-
wan" heceken cajeyatapi ecee,
tka hehan odowan hea ahilyayapi
kta ikipiya apiyapi ſni kin hena
owasin yuwitaya "Oahiyaye" eya
cajekiyapi. Halianna wocekiye
wocon kin en Oahiyaye kin ſakpe
yanke, qa Htayetu wocekiye wo-
con kin en iſ tob yanke. Halianna
wocekiye wocon kin en wanji to-
kaheyanalcin yanke cin he *ſenile*
(U miye) eciyapi, qa he Psalm 95
kin hetanhan icupi. "Woohoda
wocekiye opapi kta e kipan boye-
wicakiyapi" eya cajekiyepica. Yu-
wakanyan woalitani okdakapi, qa
iyokiheya woalitani wicakicicaju-
jupi wicakiyaotaninpi kin hen
kaihakamya yanke cin he awicake-
han ikipi.

Okodakiciye Wakan unkitawapi
kin en Psalms toktokeca, qaiſ
Psalter wanjigji ahilyayapi qaiſ
yawapi kte cin hen itokahekiya de
ahilyayapi ecee. *The Gloria in
Excelsis* (Wakan Wakantanka
wowitan yuha nunwe) he tukte-
kten anpetu Psalm tawa yawapi
ihanke kin en ahilyayapi ecee kin,
qa nakun wotapi Wakan wocon
kin en ihanke ikiyena hen ahilya-
yapi ecee kin he Malpiya oknikde
Tadowanpi. Tuktetanhan owahi-
nape kin he St. Luke 2d
14 hen iyeyapi kte. Omaka
yawapi A. D. 139 Wahehan
Telesphorus he ayuhanskeya kaga
e keyapi. Odowan kin he dehan
wicoie token owa yanke cin he
omaka yawapi iopawinge yamni
kin he ehanna Christian wowapi

kagapi kin he heceknanakinin owa
yanke e iyeyapi, qa he oyate
woohoda wocekiye ocon tawapi
kin en unpi kta econwicaſipi qon
he wanna ehantanhan omaka 1,000
ſam iyeya henakeca qa hehantan-
han qe dehanyan he unpi ecee.

Odowan kin de en wicoie token
yanke cin he nina wankantuya
okage heca, ecin Yamni ikdawa
Wakanpi kin he otoiyohi woyatan
ewicakiyapi kin he tanin. *Te
Deum* (O Wakantanka unniya-
tanpi) qa *Benedicite* (O Itancan
Taku kage cin owasin) henaos
Woonſpe tokaheya kin hen kaih-
akamya yanke. Wacekiye Omni-
ciye ota *Benedicite* kin he *Te
Deum* eekiye wopidaeyapi anpetu
kin, qa Lent omaka kin hena icun-
han ahilyayapi ecee. *Jubilate*
(Maka kin ocowasin) qa *Benedic-
tus* (Itancan Israel Tawakantanka
kin) henaos iſ woonſpe inonpa kin
hen kaihakamya unkiciyanapi.
Jubilate kin he Psalm 100 kin
hetanhan icupi, qa he Jewish
Okodakiciye Wakan kin en tohan
wookiyeye woſnapi econpi eca en he
ahilyayapi ecee, heon etanhan iſ
eya dehan wookiyeye Wotanin waſte
kin he yawapi kin he en kaih-
akamya ahilyayapi ecee kin he
awicakehan ikipi. *Benedictus* kin
he en wicoie token yanke cin hena
he John Baptisma wicaqu bakici-
ſidayapi qon he ehan Zacharias
oniya Wakan eciyatanhan wicoie
qeya yatanin qon hena he hee.
St. Luke 1st 68-74 hena en wanya-
ka po. "Wowanikiye kin on Wa-
kantanka wopida eciyapi," eya
cajeyatepica. Odowan kin he de
woiwahoye qeya Gen. 3d 15,
Psalm 72d 17, Jer. 30th 10, Isa.
43d 3, 11, 12, Dan. 9th qa nakun
oyanke toktokeca en otakiya-
iye-yayapi qon hena he yuecetupi kin
heon wopida eyapi kdataninpi
wicoie heca ecee hiyeya.

Jubilate kin he wacekiye omni-
ciye wanjigji en Easter anpetu kin
hetanhan qa Advent omaka kin
hehanyan ahilyayapi ecee, qa he
han *Benedictus* he iſ Advent
omaka kin hetanhan qa Easter
anpetu kin hehanyan ahilyayapi
ecee, ocon kin de awicakehan iki-
piya econpi kin he ayabdezapi kta.

Htayetu wocekiye ocon kin en
Oahiyeye tob yanke cin henaked
Psalms etanhan icupi. *Cantate*
(Odowan teca wan Itancan kin
kahiyaya miye) eyapi kin he 95th
hetanhan icupi; hehan *Bonum*
(Itancan kin wopida eciyapi kin he
waſte) eyapi kin he iſ 92d hetan-
han icupi; hehan *Deus* (Wakan-
tanka onſiondapi qa unyuwaſtepi)
eyapi kin he iſ 67th hetanhan icu-
pi; qa hehan *Benedic* (O Minagi
kin) eyapi kin he iſ 103d hetanhan
icupi.

Hena owasin Wakantanka To-
waſte kin on wicoie kin yawakan-
yan qa yaſinſya woyatan eciyapi
kin heca. *Cantate* qa *Benedic*
henaos Christmas anpetu kin he-
tanhan qa Lent omaka kin
hehanyan na nakun Easter anpetu
kin hetanhan qa Advent omaka kin
hehanyan hena en ahilyayapi kte
cin he okiciwaſte qa ikipi e hecen
wicota iynkecanpi qa awacinpi ecee;
qa hehan *Bonum* eka qa *Deus*
henaos iſ Advent omaka kin, qa
Lent omaka kin hena icunhan ahi-
yayapi kte cin he ikipi. Wocekiye
ocon kin en wicoie kin nina
otakiya yucankayatanyan katinyan
eunkiciknakapi, qa makoncage tu-
ktectukeſa en unqonpi kin he iye-
han wowicake tonakiya hiyeye cin

hena ecen unkiciyuataninpi kin
eciyanhan woiyokipi iyeyepica.

Oahiyaye kin hena tuktekten
ikecya yawapi ecee, tka ahilyayapi
kte kin hee ſanpa waſte. Ikecya
yawapi ſni ee Odowan ho tona on
ahilyayepica kin hena on ahilyayapi
kinhan heciyatanhan wicoie kin
hena tokiyotan kapi kin hena ſan-
pa taninyan hinapeyepica kin he
tanin. Odowan ho wakan unkiye-
pi kin opeya tohanyan ahilyayapi
kta iyececa kin nahanſ iyeahanyan
econpi ſni kin he oiyokiſice.
Taku nom on etanhan he de taku
kin woiſtenya aktapi ſni kin he
denaoza, wanji kin he tona he
dowan wayupikapi kin henana he
hena ahilyayapi kta kecanwicakin-
pi iſiknayanpi kin hee. Hehan
unma kin he iſ Odowan on wicaho
kin hena eciyatanhan wicacante
oyuze kin hena wicayunſkanſkan
ecee kin he wowicake kin he oki-
calniſgapi kta okihipi ſni kin hee.
Wicatanan on woonſpe, qa heca
waonſpekiyapi kin hena unkokiya-
kapi kin eciyatanhan tuwepikece-
yaſ owasin kohanna onſpeiſiciyapi
kinhan kohanna owasin kinin do-
wanpi okihipi kta keya unkokiya-
kapi. Owasin iyakidecen dowan
wayupikapi kta ſni naceca qaiſ
owasin Odowan ho kin hena
iyakidecen waſtedakapi kte ſni
naceca, tka egeſ etanhan taku
owahinapi kte kin he owasin iyo-
wicakipi kte kin hee. Yuwakan-
yan Odowan kin hena wocekiye
woohoda kin oknayan unkicantepi
kin unyubicapi qa hena eciyatan-
han woiyuniſkin, qa Woape, qa
Wowacinye qa Wowaſtedake, hena
ataninyan unkiciyuatanpi ecee, qa
hena wowapi wakan kin en cajeya-
tapi e hecen ohniyan iyeunyanpi
ecee. Psalm 13th 6, 18th 46, 67th
4, 105th 2, Matt. 26th 30, Acts
(Ohanyanpi) 16th 25, St. James
5th 13 hena en wanyaka po.

Malpiyata wowanyake wanya-
gicakiyapi keya unkokiyaſkapi
kin he eciyatanhan wakan tona
wakanpi kin Wakantanka yatan-
yan idowan yukanpi keya unkipa-
zopi. Rev. (Wayuotanin) 14th 1-3,
15th 1-3 hena en wanyaka po.

Oahiyaye kin dena otogotogye
ahilyayapi ecee, Tuktekten Odowan
ho kin wanji on wicoie wanji
qaiſ oekde wanji on ahilyayapi
ecee, qa oekde kin inhunniyanpi
kte kin en Odowan ho kin ayuto-
gyeya eyaſtanpi ecee. Qa hena he
iahan odowan eciyapi. Nakun
tuktekten ho oſkiſkeya kagapi
heca on ahilyayapi, qa en oko okna
wanjinah dowan qa akeſ yuwitaya
dowanpi heceken on ahilyayapi
ecee. Nakun channa ocon wan
"Akiciyupteyadowan" eya caje-
yatapi kin he oknayan econpi kta
eca hehan dowanpi oſpaye kin
heepi, qaiſ wacekiye omni-
ciye yankapi kin hena okaſpe wanji
ahilyayapi, qa hehan unmapi kin
hena okiheya kin ayupteya ahiya-
yapi ecee, hececa eša ihanke kin en
yuwitaya Woyatan Oekde kin he
ahilyayapi ecee.

Hena hecetu eša hehan taku
wanji ijehan kiksura unqonpi kta
iyececa, qa he *unkicantepi kin on*
Itancan kin idowan unqonpi kta e
unkiyutapi kta iyececa kin hee.
Tohan undowanpi kinhan Odowan
ho kin hena yuoſkiſkeſkeya yuoi-
yokipiya ahilyayapi kin hena ni-
naſcin en ewauncinpi kte kin hee
ſni, tka ee nnkicantepi kin he hee
heca e he on he awicakehan Wakan-
tanka unyatani hecinhan he ege
he taku uncinpi kte kin hee.